



Synfocity = 973

mail us at : mzsynfo@gmail.com; mizoramsynod@gmail.com - Phone - 2314648

February 21, 2025

□ Hmangaihna In Rising Day hman a ni

February 14, 2025 (Zirtawpni) chawhma dar 11:00 khan fahrahte enkawlna, Hmangaihna In, Durtlang chuan an din cham vawi 39-na lawmna hun an hmang.

He hunah hian Rev. Dr. K. Lallawmzuala, Executive Secretary i/c Hmangaihna In leh Dr. R. Lalrinhlua, DCPO ten thu an sawi a. Zaithiam pahnih Ni. R. Lalrinmawii (Arini), Leitan leh Tv. Lalsangliana, Youth Icon 2024 te an zai a, Hmangaihna In naupangte'n Special Item pathum an entir bawk.

Superintendent hnen aṅging Hmangaihna In Report tlangpui ngaihthlak a ni a, report-a a lan danin Hmangaihna In hi fahrahte enkawlna atan Mizoram Synod-in February 15, 1986-ah a din a, a tirah chuan nausen piang hlim aṅga kum 2 thleng an enkawl a. Hun a kal zel a, Mizoram State Child Protection Society-in piang hlim aṅga kum 10 tlin thleng enkawlna leh naupang 25 awm theihna atan a ruahman ta a, tunah hian naupang 23 an awm mek a ni. Thawktute hi Office staff 9 leh Nau awmtu (Child Attendant) 12 an awm mek a. Hmangaihna Inah hian a din tirh aṅging naupang 643 enkawl an ni tawh a ni.

□ MSSU Day

February 20 (Ningani) kha MSSU Day a ni a. Zosap Missionary, Zosaphluia (D.E. Jones) khan Sunday School hmasa ber chu February 20, 1898-ah Aizawlah a neihpui a ni. A din tirh chuan Mission Bangla bula in chhe te, biak in leh sikul atana an hmanah chuan Pathianni apiangin Zosaphluia chuan chawhma lamin Khasi Kristiante Bible thu a zirtir a, chawhnu lamah Mizo Kristiante a zirtir leh a. Kum 1917 aṅging Mizoram Sunday School-te chuan Indian Sunday School Union (ISSU) hnuaiah Pathian thu exam-na an nei ṭan a ni.

Kristian hmasate chuan Pathianni chawhma inkhawm chu Bible chang sawi rual nan te, A AW B ziak leh chhiar zir nan te leh Pathian fakna hla zir ho nan te an hmang ṭhin a. Naupang leh puitlingin a huhovin an zir mai ṭhin a ni. Ziak leh chhiar thiam an duh avangin Sunday Schoolah an inzirtir ṭhin a. Mizo Kristian hmasaten ziak leh chhiar zirna atana Sunday School an hmang ang hian kum zabi 19-naah khan Wales ramah pawh Kristianten Sunday School chu ziak leh chhiar zir nan an lo hmang ve a, hma an sawnpui hle a ni.

2024 Sunday School inchhiarnaa MSSU dinhmun tlangpui chu hetiang hi a ni -
Zirlai zawng zawng - 4,56,208
Zirtirtu zawng zawng - 58,251

□ MSSU

◆ February 21, 2025 (Zirtawpni)-ah Tlangnuam Kohhranah Sunday School zirtirtu training neihpui turin Pu Lalhmunzauva Tlau, Asst. Coordinator a kal.

◆ February 22, 2025 (Inrinni) hian Sunday School zirtirtu training neihpui turin trainer-te hetiang hian an chhuak ang:

Ramhlun Vengthar Kohhran - Upa B. Lalhmunliana, Upa Zohmangaiha leh Upa V. Lalrindika

Sialhawk Bial - Upa K. Vanlalngbaka leh Upa R. Vanlalhruaia

Nursery Veng Kohhran - Upa Lalthanchhunga, Upa Lalrinawma Ralte leh Upa John Lalnunthara

□ KṬP

February 13-16, 2025 chung khan Mizoram Ṭhalai Kristian Pawl (MṬKP) Inkhawmpui wawi 48-na chu Lunglawn, Lungleiah hman a ni a, Central KṬP aiawhin Pu Lalruatfela, Asst. Leader leh Pu Nicholas Lalbiakzuala, committee member-te an kal. CKṬP leh MṬKP hi inkhawmpui lianah an inpalaitawn ṭhin a ni.

□ Finance

February 15-16, 2025 chung khan Manikbond Bialah Finance Campaign neiin campaigner-te, Upa P.C. Vanlalrova, Rev. K. Lalhmuchhuaka, Rev. T. Lalṭhuamliaana leh Upa C. Lalbiakthanga te an kal.

Contd...

☐ **Worship**

- ◆ February 18, 2025 (Thawhlejni) khan Dilkawn Kohhranah Zai hruai training neihpuiin Pu H. Lalrinmawia, Senior Music Instructor a kal.
- ◆ February 22-23, 2025 chung hian Vanbawng Kohhranah Worship Seminar nei turin Rev. F. Lalhmingthanga leh Upa Vanlalhruaia Ralte te an kal ang.

☐ **Trust**

- ◆ February 17, 2025 (Thawhtanni) khan Mamit Pastor Quarters chei that tur en felin Pu Lalramenga Royte, J.E a kal.
- ◆ February 18-20, 2025 chung khan Synod Transit Accommodation, Lawngtlai leh N. Vanlaiphai Damdawi Veng Pastor Quarters hmunhma en leh zir chiangin Upa Thangliankhuma, A.E leh Pu Lalhriatrenga, J.E te an kal.

☐ **Kohhran Hmeichhia**

February 19, 2025 (Thawhlejni) khan Central Kohhran Hmeichhe Hruaitute chuan Synod Hospital Durtlang Charity Fund atan ₹ 13,83,837/- leh John Williams Hospital, Lunglei tan ₹ 13,12,906/-, a vaiin ₹ 26,96,743/- chu Hospital hotute hnenah an hlan a. Hei hi 2024 Kohhran Hmeichhe Rorel Inkhawmin 'Synod Hospital, Durtlang leh John Williams Hospital, Lunglei pualin Thawhlejni zan inkhawmah a hran ve vea thawhlawm lak khawm ni se' tia a lo rel tawh bawhzuina a ni.

☐ **Mizoram Christian College (MCC)**

- ◆ February 13, 2025 (Ningani) khan Pi Zaii Hall, Synod Conference Centre-ah MCC thawktute leh zirlaiten nilengin 'Retreat' hun an hmang. Retreat hi session hniha then a ni a, session khatna hi Dr. Ramnunmawia Pachuau, Asst. Professor, Department of Management-in a kaihruai a, Session hnihna hi Vanlalnguri Hmar, Asst. Professor, Department of Management-in a kaihruai a. Speaker Upa Lalnunpuia Hrahse, Lungmual Vengthlang hnen atangin thuchah ngaihthlak a ni. MCC thawktute leh zirlaite hian kum tin a remchan dan angin Retreat hi an hmang thin a ni.
- ◆ February 19, 2025 (Nilaini) khan Mizoram Christian College leh Govt. T. Romana College-a English Department-te chuan inremna an siam tawh angin 'Faculty Exchange' hun an hmang. Faculty Exchange Programme-ah hian zirtirtute chu anmahni College lo zawkah ve ve kalin class an inlak thlang thin a, zirlaiten an hlawkpui bakah College inpawh nan a tangkai hle.

☐ **Chhim Bial Working Committee**

February 13-17, 2025 chung kum 2025-2027 chung a thawh khatna atan Chhim Bial Working Committee member-te chuan bial an fang a. Khawthlang tuipei Presbytery huam chung a Bial pali - Lungsen bial, Zawlpui bial, Tlabung Chawnpui bial leh Tlabung Zodin bial chung a Biak In leh zirna inte an tlawh a, a remchan dan ang zelin kohhran hruaitute, school-a thawktute leh evangelist-te nen inkawmin, chhim biala kohhran leh rawngbawlnain hma a sawn dan turte an sawi ho a ni. Chhim working committee member-te hi 12 an ni a, tun tumah hian mi 9 an zin thei a ni.

☐ **Presbyterian Pastor Pension Fellowship (PPPF)**

February 21, 2025 (Zirtawpni) khan J.M Lloyd Hall, Synod Office-ah Presbyterian Pastor Pension Fellowship (PPPF) ten intawh khawm programme an hmang a, member 67 an kal.

Programme hi Rev. C. Rosiama, PPPF Chairman-in a kaihruai a, member thar lawmna neih niin report pahnih - Secretary report leh Treasurer report ngaihthlak a ni. Rorel a ni a, Thupui 'Kohhran hmasawn zelna atana Upate leh Pastor-te mawhphurhna' Rev. Dr. Lalchungnunga ziah chu zir ho a ni a, sawi hona neih a ni. Hemi hunah hian PPPF Directory 2025 tlangzarh a ni bawk.

Presbyterian Pastor Pension Fellowship-ah hian Pastor pension apiang an tel zel a. Kum tinin intawhkhawm hi an nei thin a, infuih tharna leh inpawh tlanna hun hlimawm tak an hmang thin a ni.

PPPF-ah hian member 143 an awm a, kum 80 chung lam mi 42 an awm mek a ni.

☐ **Synod Mission Board**

◆ **Patna Mission Field**

February 13, 2025 (Ningani) khan belhtu thar 22 an awm.

◆ **Nepal Mission Field**

February 15, 2025 (Inrinni) khan belhtu thar 12 an awm.

◆ **Jharkhand Mission Field**

February 16, 2025 (Pathianni) khan belhtu thar pathum an awm.

◆ **Karbi Anglong Mission Field**

February 16, 2025 (Pathianni) khan belhtu thar pahnih an awm.

◆ **Delhi Mission Field**

February 16, 2025 (Pathianni) khan belhtu thar pathum an awm.

◆ **Cachar Tlangram Mission Field**

February 16, 2025 (Pathianni) khan belhtu thar pathum an awm.

◆ **Cambodia**

February 16, 2025 (Pathianni) khan belhtu thar pahnih an awm.

□ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Airfield Vengthar	Damlo leh khawsak harsa	6	₹ 60,000/-
2.	Phainuam	Damlo	2	₹ 20,000/-
3.	Vawngawnzo	In kang	1	₹ 20,000/-
4.	Saron veng	Damlo	1	₹ 10,000/-
5.	Darlawn Venghlun	In kang	1	₹ 10,000/-
6.	Chhimluang	Khawsak harsa	1	₹ 10,000/-
7.	Durtlang Venglai	Khawsak harsa	1	₹ 10,000/-
8.	Melthum	Damlo	1	₹ 10,000/-
9.	West Serzawl	Damlo	1	₹ 10,000/-
10.	N. Hlimen Vengthar	Damlo	1	₹ 10,000/-
11.	Kawrtethawveng South	Damlo	1	₹ 10,000/-
12.	Thingthelh	Damlo	1	₹ 10,000/-
13.	Serchhip Chanmari Vengthar	Damlo	1	₹ 10,000/-
14.	Vervek	Damlo	1	₹ 10,000/-
15.	Nursery Venglai	Damlo	1	₹ 10,000/-
			Belh khawm	₹ 2,20,000/-

□ **FM Zoawi - Aizawl & Lunglei : Hruaina Eng Radio Programme**

February 21, 2025 (Zirtawpni) @ 7:30 p.m. :

Solo : Lalruatfela Pachuau - Thihna Jordan lui ral

Zaipawl : Khatla Bial Zaipawl - Kan ram tidam leh rawh

Group Discussion : Colegas Group - Billy Graham-a chanchin

Solo : R. Lalduhawmi - Pathian thil rel dan

Rawngbawlina Reports

□ **Hruaina Eng TV Programme**

20.2.2025 (Ningani) 8:30 pm : Thupui zir bing

21.2.2025 (Zirtawpni) 5:00 pm : Kristian Naupang Pual

22.2.2025 (Inrinni) 5:30 pm : Puitling Sunday School Zirlai

23.2.2025 (Pathianni) 8:00 am : Weekly round up

5:30 pm : Su Samachar Prasaran

24.2.2025 (Thawhtanni) 8:30 pm : Hruaina Eng luang chhuak - Rev. P.C. Rohlira

25.2.2025 (Thawhlejni) 6:00 pm : Nilai zan thupui

8:30 pm : Kohhran Chanchin - Electric Veng Kohhran

□ **Moderator leh Executive Secretary-te Programme:**

Rev. R.C. Lalnghakliana : Moderator

February 21, 2025 Biak In hawn - Maite Kohhran

February 22, 2025 Biak In hawn - Sailiam Kohhran

February 22-23, 2025 Kohhran tlawh - Serchhip Vengchung Bial

Rev. V.L. Luaia Hranleh : Senior Executive Secretary

February 22-23, 2025 Reiek Bial Kohhran Pavalai Pawl Intawhkhawm

Rev. Dr. K. Lallawmzuala : Executive Secretary

February 20-21, 2025 John Williams Hospital Committee, Lunglei

February 24, 2025 Rescue Home Committee

February 28, 2025 Hmangaihna In Committee

Rev. Dr. Rosiamliana Tochwawng : Executive Secretary

February 21-23, 2025 Cachar Tlangram Presbytery KTP Meet hmanpui

February 28-March 1, 2025 KTP Rorel Inkhawm

February 25-27, 2025 chungang Synod Executive Committee (SEC)-ah Moderator leh Executive Secretary-te an tel ang.

SIKULPUI ADMISSION 2025 -2026

Pawl 2 - Pawl 7 : Dilna Form lak chhuah hun - February 17 - March 4, 2025 (10:00 am-2:00 pm)
List tar chhuah hun - March 5, 2025 2:00 pm
Admission tih hun - March 6, 2025

Note: 'B' Pawl, Pawl 1 & Pawl 8 atan Admission hawn a ni lo.

Sd/-
Headmaster,
Sikulpui Phone: 9436152024

SYNOD BOOKROOM LEHKHABU CHHUAKE THAR - FEBRUARY, 2025

- | | |
|---|---------|
| 1. Kerygma - Thuthlung Thar Thuchah: <i>SCMI, ATC Unit</i> | ₹ 250/- |
| 2. Nitinin Ka Ngai Che: <i>Rev. Vanlalzuata</i> | ₹ 300/- |
| 3. Thuchah Tawi 300: <i>Upa C.L. Thanmawia</i> | ₹ 300/- |
| 4. Pathian Hmangaih la, I Duh Duh Danin Awm Ang Che: <i>Zohmingthanga Renthlei lehlin</i> | ₹ 100/- |
| 5. Hun Inher Kara Zofate: <i>F. Vanlalrochana</i> | ₹ 500/- |
| 6. Hrilh Che Ka Duh: <i>Vanlalbuatsaiha Pachuau</i> | ₹ 150/- |
| 7. Zosang: <i>Mahmuaka Chhakchhuak</i> | ₹ 300/- |
| 8. Ka Pu Diary Leh Kei: <i>Tlantea Ralte</i> | ₹ 150/- |

SYNOD REVIVAL HRIATTIRNA

March 4-8, 2025 chungang hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu H. Lalhmingliana, Amen Revival Team a ni ang. Camping Fee mi pakhat tan ₹ 100/- a ni a, mutbu bakah Bible, Hla bu, Pen, Note bu ken tur a ni. Ruih theih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

